

荊州駐防八旗志

荊州駐防八旗志卷七

學校志第一

義學

八旗兩翼總教習十名乾隆二十四年原任左翼副都統德琦保奏准添設在本旗領催前鋒內考取係九品頂戴

乾隆四十五年經右翼蒙古協領長泰呈請在各旗添設滿漢官義學各一所

八旗繙譯義學一所同治年間設於官文恭公祠光緒六年移設於輔文書院由各旗滿蒙義學每旗挑

荊州駐防八旗志

卷七

取學生三四名延本駐防精通繙譯之舉人生員二
名教習繙譯

八旗兩翼滿漢義學每一所學生二三十名不等均
由各該牛录官學按年挑入牛录官學五十六所均
係該牛录子弟其教習之束修學生之膏火俱由各
該牛录兵丁公助

將軍都統

按季委印房章京考查功課

勤惰分別賞賚

荊州駐防八旗志卷七

學校志第二

學額

八旗文童生凡科歲考試以應試童生五名取進一名

八旗繙譯童生凡科歲考試以應試童生五名取進一名至多不得過五名以示限制俟人數眾多再行奏請加額

八旗額設廩生二名增生二名嘉慶十二年奏准湖北荊州駐防生員應照小學較少之額准設廩增各

二名五年一貢新補廩生俟食餼十年方准出貢其廩生於童試時照例認保以杜考試諸弊所有廩膳銀兩由江陵縣支領

八旗武童凡遇歲考之年以應試武童五名取進一名

嘉慶四年接准兵部咨軍機大臣議 奏嗣後駐防各省分遇歲科兩試如有情願赴考者准其就近考試取進後再聽赴考鄉試

嘉慶五年接准兵部咨嗣後各省駐防旗人不得因就近鄉試之例遂荒清語騎射本業著該將軍部統

等通行飭諭各官弁等訓課子弟以清語騎射爲首務其肄業者仍當嫻習清語騎射務臻純熟

嘉慶十八年

上諭向來各直省駐防滿洲蒙古旗人俱准應文武鄉試復經停止我國家振拔人才文武並進嗣後滿洲蒙古與漢人一體准予本省應文武鄉試自本年癸酉科爲始等因欽此

嘉慶十八年接准兵部咨開武庫司案呈准禮部咨本部會同兵部議奏各省駐防生員就近應文武鄉試等因一摺相應抄錄原奏知照前來刷單移咨該

將軍查照並轉飭所屬一體遵照可也計粘單一紙
內開禮部等部謹 奏爲遵

旨議奏事嘉慶十八年六月二十九日內閣抄出奉

上諭各直省駐防官兵子弟准其于本省就近考試入學
因鄉試必須來京道途遙遠每艱于資斧裹足不前
現在駐防旗人並議准就近應武童試嗣後各省駐
防子弟入學者卽令其于該省一體應文武鄉試于
造就人才之道較爲有益其如何編號定額取中之
處著禮兵二部妥議具奏欽此抄出到部 臣等查嘉
慶四年議准各省駐防令其就近考試入學現又奉

諭旨令其于該省一體應文武鄉試另行定額取中仰見
皇上于作育之中仍寓體卹之意臣等伏查順天鄉試八

旗滿洲蒙古中額二十七名每科錄取冊送之生員
并貢監筆帖式小京官約有四百名上下臨期再除
去不能入場之人通統核算約計十餘名取中一名
各省駐防于嘉慶四年始應試入學與在京八旗之
素習詩書久經應試者不同自應寬爲定額以示鼓
勵查各省學冊內駐防生員除直隸各駐防仍歸順
天鄉試毋庸核計外現在陝甘駐防生員共有八十
九名福建廣東山西河南江南浙江湖北四川八省

自十餘名至四十餘名不等惟山東一省查十六年
學冊只有九名現在十七年科考冊未到部再歷下
屆歲科兩考約計亦可有十餘名且各省駐防內有
願報捐貢監應試者亦應准其就近一體鄉試如此
統行核計其最少者亦在十名以外臣等公同酌議
應請自二十一年丙子科爲始各省駐防生員于本
省鄉試編立旗字號另額取中學政錄送十名准取
中一名其另數過半者亦准其照官卷例再取中一
名將來人數增多總不得過三名以示限制並于入
場時照依順天鄉試之例另編坐號毋令與民籍士

子互相攙混再查定例八旗應順天鄉試者各旗先行咨送兵部考試騎射合式者方准入場所有各駐防生員應試者仍由各該駐防將軍副都統等考試馬步箭合式者再行咨送學政錄科以符定制至各省駐防現准應武童試今復奉

旨令其于該省一體應武鄉試自必倍加踴躍查在京八旗滿洲蒙古添設武科本年六月間經軍機大臣會同兵部議奏鄉試約十人內取中武舉一名奉

旨欽此欽遵在案各省駐防武鄉試亦請暫行照此取中除直隸各駐防仍歸順天鄉試毋庸另行定額

外其餘各駐防省分應查照前奏內應行鄉試之人
令其就近在各省應武鄉試編立旗字號另額取中
約十人內取中武舉一名武生由學政錄送前鋒等
項由該駐防將軍副都統造送至內場另編坐號之
處俱照文場之例辦理再查各省駐防與在京八旗
人數多寡懸殊應令各該省之監射主考臨時酌量
情形如人數雖多其中騎射生疎技勇平常者亦不
得以十人內取中一人濫行取中俟三科之後各督
撫將歷科應試人數多寡技藝優劣咨明兵部再行
比較請

旨定額現屆武鄉試之期尙遠所有各省駐防武鄉試卽
照前奏自本年癸酉科爲始惟現在尙未取有武生
請將前鋒等項內願應武鄉試者先行造送應試其
武生就近應試之處自丙子科爲始臣等會議緣由
是否有當伏候

皇上睿鑒訓示遵行再此摺係禮部主稿合併聲明爲此
謹奏請

旨嘉慶十八年七月十七日具奏本日奉
旨依議欽此

嘉慶二十四年揆准兵部咨本部議准湖北荊州駐

訪自本年已卯科爲始每科額中六名

道光二十三年奉

上諭我國家分設八旗兵丁駐防各省立意至深且遠嗣因主齒日繁披甲名糧例有定額勢不能概令食糧當差而各弁兵子弟亦有讀書向上通曉文義者聽其應試以廣進取之階所以造就人才體恤旗僕者無微不至但思八旗根本清語騎射爲先至兼習漢文亦取其文義精通便于繙譯乃近年以來各駐防弁兵子弟往往驚於虛名浮華相尙遂至輕視弓馬怠荒武備其於應習之清語視爲無足重輕甚至不

龍曉為朕恭閱嘉慶五年

皇考諭旨各省駐防人等准於該省考試文生原係於爾等格外恩施若專務此而廢棄清語騎射者即停止此例不准考試亦屬應該俟清語騎射演習熟練時方准考試

皇考聖慮周詳

訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉進身方能勤加勸勉現在武閣鄉試各省駐防一體與考應試之人弓馬如果熟嫻不思無登進之路其應文試

荊州駐防八旗志

卷七

者必應試以繙譯庶不專習漢文轉荒本業除本科各省文鄉試仍照例准其應考外嗣後各處駐防俱着改應繙譯考試俾有志上進者咸知熟習清文不能倖邀拔擢自必爭相磨礪日益精通其各該將軍副都統等尤宜隨時訓飭董勸兼施毋得視為具文因循積習以副朕崇實黜浮之實意其考試一切章程及繙譯童試進額鄉會試中額應如何酌定之處着軍機大臣會同該部悉心詳議具奏特此通諭知之欽此

道光二十三年准禮部咨本部會同軍機大臣議

奏嗣後各省駐防俱改應繙譯考試所有童試由將軍副都統城守尉先看騎射合式者方准與考由將軍等出題局試按額取進試卷送部奏請

欽派大臣磨勘於鄉試年分錄科亦由將軍等先看騎射合式者方准錄送俟本省文闈三場完畢後入場考試其繙譯

欽命題目由本科主考恭賁出京臨場啟示考畢將試卷全行送部 奏

派大臣校閱按額取中擬定名次恭呈

御覽由禮部按名填榜發回荊州將軍衙門揭曉

咸豐十一年禮部謹 奏爲請

旨事據福建巡撫徐宗幹咨稱據布政使丁日健詳准禮部咨咸豐十一年十一月二十九日奉

上諭致仕大學士祁寯藻奏請復各省駐防考取文舉人生員舊例等語各省駐防八旗向來本有考取文舉人生員之例自道光年間改爲繙譯卽行停止原爲八旗人員均應諳習清文國語以爲本務恐其因考試漢文致有荒廢現在繙譯考試各省遵行已歷有年其駐防八旗中通達漢文積學之士不克觀光誠爲可惜嗣後着於駐防繙譯科甲外仍復考取文舉

人生員之例均准其鄉會試與繙譯一體錄用以廣
登進該駐防八旗人等仍不得以專務漢文致將繙
譯國語稍涉荒廢用副朕敦本育才至意該部知道
欽此欽遵知照該督等查明道光二十三年以前一
切舊章辦理等因到司查各省駐防士子本已改試
繙譯現復考取文舉人生員之例是文試繙譯彼此
遵行所有舊進之文生員貢監生業經改應繙譯者
應否准其再應文闈鄉試並現在之新進之文生員
如有情願應繙譯及繙譯生員願應文闈鄉試者應
否悉准與考且如本科願應文闈鄉試下屆復請就

試繙譯下屆復就試文聞應否准行有無示以限制
應咨請核覆等因到部臣等查各省駐防士子自嘉
慶二十一年以後准應本省鄉試迨道光二十三年
改試繙譯即將文試停止現在欽奉

諭旨准其仍復文舉人生員之例與繙譯一體錄用是特
於繙譯之外爲士子廣登進之路並非一經文試遂
輟繙譯惟科舉本可以並行而應試須示以限制查
科場條例內開繙譯生員願應文鄉試者該旗自行
造冊送學政錄科又繙譯鄉試應考之人不拘清文
漢字貢監生員能繙譯者俱照例考試焉按前奉

入場其在文舉人能繙譯者亦准與繙譯會試等語
此係專指京旗而言至各省駐防不在其例公同酌
核所有各省駐防道光二十三年以前取進之文生
員暨道光二十三年以後取進之繙譯生員從前曾
經應繙譯鄉試者現在或仍應繙譯或情願改應文
舉人數無多均聽其自便嗣後取進之繙譯生員應
令其專應繙譯不必兼應文試其新進之文生員亦
其專應文鄉試其中有通曉國語熟習清文願應繙
譯者准其自行呈明改應繙譯自改之後不得再應
文闈如有任意更改者概不准行至中式後係文舉

人專應文會試係繙譯舉人專應繙譯會試如此分別辦理庶文藝既可專精而清語自不至荒廢至駐防文鄉試中額與繙譯同每十名取中一名零數過半取中一名至多不得過三名現在文闈與繙譯並行其中額自應均照定例至多各不得過三名是否
有當伏候

訓示遵行如蒙

俞允除咨覆福建巡撫外並通行各省駐防一體遵奉施行爲此謹奏奉

旨依議欽此

荊州駐防八旗志卷七

學校志第三

書院

光緒六年二月初十日荊州將軍希元副都統穆克

德布恩來謹跪

奏爲荊州駐防捐建書院請

旨勅部立案恭摺具

奏仰祈

聖鑒事竊據八旗滿蒙協領轉據本營舉貢生監等稟稱

荆防自嘉慶丙子奉

旨開科後迄今六十餘年其間力學之士雖亦有志潛修
然無所師承難資造就必須建立書院延聘宿儒以
爲山長俾得執經請業庶幾文風日上以仰答

國家養士之恩稟請籌辦等情查原稟所稱洵屬地方善
舉第經營伊始籌款維艱等爰商同湖廣總督臣

李瀚章荊州府知府倪文蔚江陵縣知縣柳正笏各
捐廉俸並有在籍前成都將軍等魁玉以及服官他
省者均陸續解囊襄助共集成八千二百餘兩當飭

檄領楚廉就旗營隙地興建書院於光緒五年十二月內竣事名曰輔文書院計用銀三千七百餘兩所餘銀四千五百兩飭令發典一分起息特延山長按期考課其山長束修及生童膏火各項雜用均於每年息銀內動支俟將來息款充足再行分給士子鄉會兩試盤費此項本利銀兩無論旗營何項公事概不准挪用並由^牙等嚴議條規俾資遵守茲據該協領等稟請具

奏立案前來伏思荊州乃三楚重鎮自以操防與教養

爲先而

聖朝作育人才亦復文事與武備並重今八旗士子於騎射之外兼能從事詩書觀摩求益洵足以振士氣而勵儒修除飭該協領等督率舉貢生監永遠認真經理外理合恭摺具陳伏祈

太后

皇上聖鑒勅部立案施行再此項工程均係由外捐修懇恩免其造報合併聲明謹

奏請

旨

光緒六年四月十六日軍機大臣奉

旨該部知道欽此

輔文書院在滿城南界門內大街前將軍巴揚阿舉行月課向在官文恭公祠內局試並無專設書院光緒四年將軍繼勇侯希元履任後武備既修復興文教國會同湖廣總督李瀚章左翼副都統穆克德布右翼副都統懋烈伯恩來前成都將軍魁玉荊州府知府倪文尉捐廉倡修並倡募外秩暨本營殷實之家共捐銀七千有奇除建修文昌宮殿廡書院堂

宇外現存四千金交典生息以作賓興鄉會中式
費之需並聘訂山長每年設官師課各十次派協領
掌院章京監院首士值年以司其事至山長修金生
童膏火均由新淤洲課租項下動用其山長關聘每
屆年終仍由掌院協領稟請將軍具東延訂所有一
切章程載列於後

輔文書院章程

一書院必請山長現議暫延軍署幕友兼主講席每月
由新淤洲稞租項下支錢二十串以作修金火食俟
將來經費充足仍由息錢內動用嗣後若特聘山長

應如何酌加修金隨時再議

一每年派協領一員掌院章京二員監院首士四人值
年每居年終稟請更換

一每年聘請山長須預訪品學兼優名望素著者應由
掌院協領稟請將軍具東延訂凡掌院協領監院章
京及值年首士均不得濫薦

一每年^官課各十次每課額取生童各十六名俟將來
人數眾多再行加額

一現在月課人數無多其獎賞錢文暫由技勇優長項
下發給俟將來經費充足仍歸息銀內酌量加增並

添設膏火

一捐欸現存銀四千兩交典一分二釐生息應令存銀各典在右司具領備案以便查核除逐年換票外至第三年年終將本銀呈繳右司或另交別典或仍交原典生息之處臨時斟酌辦理以後續有生息銀兩俱以此條爲例

一存典生息之銀自丙戌會試年發給賓興並各項幫費

一所入息銀及各項銀錢交右司存儲積成五百之數隨時稟請生息

一各項應用之銀由僱年首士先行回明掌院再由首士具字支領開列用帳以便年終核算移交下手彼此出具清結立稿存案

一鄉試既有八旗公幫盤費暨府賓興兩款此項生息銀兩暫行無庸幫給俟將來經費充足再行按名酌給賓興銀二兩交監院章京帶赴省垣於三場後發給其未進場者概不准發

一會試賓興自丙戌年始臨場時核計文舉人繙譯舉人人數每人酌給銀兩於息銀內動用如題恩科照正科銀數減半發給

一會試賓興先期酌定京城某某銀號滙兌由右司各給舉人領票一紙三場後各持票據向銀號領取如未進場而亦持票領取者俟接長夫部文驗明後在本身錢糧內仿照支借公項章程按月加倍扣還

一文鄉試中式者幫刻硃卷填親供等費銀三十兩文會試中式者幫刻硃卷等費銀六十兩繙譯會試中式者雖無刻卷等費亦幫銀三十兩領到各出具實收交掌院協領收存以備年終查考

一文開庠常每年幫銀一百兩鼎甲幫銀二百兩留館者每年仍舊幫給俟官階轉至三品卽行停止繙譯

身出共實收寄回交掌院協領收存以備年終查核
一文昌宮春秋二季祭祀及 聖誕香火並山長節敬
齋夫工食等項每年需用銀若干由值年首士回明
監院掌院於息銀內提用

一文昌宮書院遇有修葺等項臨時由首士稟明掌院
在息銀內動用

一文進士繙譯進士無論京官外任將來得有差使署
補者卽行酌量差缺之肥瘠捐助書院經費

一書院所存賓興銀兩無論八旗何項公事不准率行
稟請借用亦不准私自擅行挪借以杜虧空而期久

遼

一書院添置書籍隨時記帳備查如有遺失等弊責成
值年首士暨肄業各生童攤賠俟卷帙積多再行勒

石

以上各條經本

爵將軍副都統

公同議定不准率行更張嗣

後如有應添條欸須由掌院協領稟明將軍酌妥續
刻

選拔章程

一選拔自癸酉年爲始右司逐年所存八旗公幫銀兩
除已滿續譯進士達信祿坤貳伯兩暨乙酉年考拔

減半幫給

一放學差試差者均自奉 旨之日起停幫學差俟差
滿回京一年後再行幫給試差回京後卽行幫給
一文關繙譯無論散館分部及榜下分部每年均幫銀
五十兩俟補授員外郎卽行停止

一大挑暨卽用散館以知縣用者分發時擬借盤費銀
一百兩俟補署一年後如數歸還倘過期不償著在
該員族中錢糧內按月扣還不願借者聽

一大挑二等授京職者每年幫銀三十兩俟官階轉至
五品卽行停止

一向來鄉會試公幫盤費中式報費及各幫項仍着右
司照舊章如數發給以發賓興之年起至十五年後
經費充足再由掌院會同右司稟明停止八旗公幫
之項始於息銀內支取動用仍照公幫舊章數目給
發

一每年所發庶常暨京官銀兩均准於十月間給發須
先期由掌院協領稟明將軍寶成監院章京值年首
士妥交票號滙兌至京如有事故告假出京者按月
計算扣除幫項

一每年所寄庶常暨京官幫項銀兩俟收到後必須本

幫費外擬至戊子年終將所存銀兩稟請交典生息
後入旗卽行停幫嗣後文進士繙譯進士書院已另
議有幫項不准在此項內動用

一酉年科試約取壹等生員^五名應選拔場者每名擬

幫卷費貳拾串^二等生員有願入場者概不幫給

一每選拔一名擬幫費敬報費錢叁拾串赴省會考時

擬幫錢貳拾串進京 朝考時幫銀叁拾兩

一拔貢 朝考後以京官用者每年幫銀叁拾兩俟官
階轉至五品實職卽行停止

一拔貢 朝考取列一等以知縣用者分發時擬借銀

壹佰兩以州同州判用者擬借銀伍拾兩俟補署一
年後即行歸還倘過期不償着在該員族中錢糧內
按月扣還不願借者聽

一每年所幫京官銀兩准於十月間給發須先期由右
司稟明將軍移交掌院協領飭監院章京領年首士
受交票號滙兌至京俟收到後須本身出具實收寄
回由掌院協領仍交右司收存以備年終查核如有
事故告假出京者按月計算扣除幫項

一朝考進京盤費八旗仍照舊章公幫俟二十年後經
費充足即行停止公幫於息銀內如數動用

一朝考後無論京官外任將來得有差使署補者卽行酌量差缺之肥瘠捐助書院經費

一右司所存公幫選拔銀兩無論何項公事不准率行稟請借用亦不准私自擅行挪借以杜虧空而期久遠

一己丑年將選拔所存銀兩稟請交典生息應令存銀各典在右司具領備案以便查核除逐年換票外每居第三年年終將本銀呈繳右司或另交別典或仍交原典生息之處臨時稟請斟酌辦理

以上各條經本

副都統

副都統公同議定先於書院內勒石

嗣後不准率行更張俟戊子年終由右司將逐年所收公幫銀數除已用若干現存若干清數備案移交書院掌院協領經管以歸劃一仍於年終移交下手彼此出具清結立稿存案

荊州駐防八旗志目錄

卷八

武備志

官兵額設

軍器 救火器械

馬政

水操

卷九

職官志

將軍

副都統

政績

荊州駐防八旗志卷八

武備志第一

官兵額設

謹按康熙二十一年

廷議於湖廣設立駐防入旗滿洲蒙古官兵二千五百
餘員名係由京師江甯兩處揀選挈眷來荆是年
復由西安駐防右翼滿洲蒙古佐領驍騎校內選撥
各十二員派兵一千五十餘名駐防湖北荊州府共
計原設額兵三千五百四十三名內領催三百三十
六名甲兵三千二百七名又設弓匠五十六名鐵匠

一百十二名步甲七百名分隸八旗設協領八員佐
領防禦驍騎校各四十員筆帖式四員共設官一百
三十二員續於康熙二十九年八月奉部咨添設甲
兵四百五十七名以足四千名三十二年奉部咨於
四千兵內挑選二百名充作前鋒三十七年奉文荆
州協領八員每員兼佐領一員五十七年派赴四川
出征兵一千名旋奉部咨此項兵缺仍令挑補足額
共甲兵五千名六十年奉部咨由五千兵內分撥一
千六百名駐防四川成都仍令閑散內挑選六百名
補足原額四千之數雍正元年增設蒙古協領兼佐

領二員佐領十四員防禦驍騎校各十六員三年增設礮手八十名十二年奉文以鐵匠五十六名改爲箭匠乾隆三年裁筆帖式一員七年增設養育兵四百名五十二年復增養育兵三百二十名嘉慶二十一年增設餘兵九百六十名道光十三年增設委甲兵四百名咸豐十一年復增募兵二百名同治十年分撥江甯滿洲蒙古官兵五百九十一員名光緒元年分撥杭州滿洲蒙古官兵三百七員名二年復分撥江甯滿洲蒙古官兵三百員名以上分防兵缺均經陸續挑補足額

官額

將軍一員

副都統二員

協領十員

滿洲八缺
蒙古二缺

佐領四十六員

滿洲三十二缺
蒙古十四缺

防禦五十六員

滿洲四十缺
蒙古十六缺

驍騎校五十六員

滿洲四十缺
蒙古十六缺

筆帖式三員

左右翼滿洲各一缺
八旗蒙古一缺

以上共設官一百七十四員名

兵額

領催三百三十六名

內弓箭兵二百二十四名鳥鎗兵一百十二名

前鋒二百名

外為弓箭兵一百名鳥鎗兵一百名

內充委前鋒校領旗

各十六名

馬甲三千四百六十四名

內弓箭兵一千七百三十二名鳥鎗兵一千七百三

十二名

砲手八十名

雍正三年奉文增設

弓匠五十六名

康熙二十二年設

鐵匠五十六名

康熙二十二年原設一百十二名於雍正十二年以五十六名改為箭匠

箭匠五十六名

雍正十二年改設

委甲四百名

道光十三年奏添

步甲七百名

康熙二十三年設

新增步甲二百名

咸豐十一年奏添

養育兵七百二十名

乾隆七年又五十一
年兩次奏請添設

餘兵九百六十名

嘉慶二十一年奏添

以上共設兵七千二百二十八名

荊州駐防八旗志卷八

武備志第二

軍器

按荊州旗營發續炮六位子母砲四十位俱係雍正三年十一月奉部咨添設嗣因子母砲年久鏽壞於乾隆十三年咨部交江陵縣重造四十一年秋操時砲身震裂經將軍公興肇奏請重修其內堪演放者二十六位留存應用所有震裂不堪應用者遵照兵部頒發養心殿式樣改鑄道光九年因子母砲復見鏽壞經將軍觀喜奏請擇其完整者二十位留備

操演其銑壞二十位照直省抬砲式樣改造四十位
該計鎔化舊砲僅數鑄成所食薪鉛亦屬相數其工
價爐火係在技勇優長項下動撥十七年將軍德克
清有見抬砲式樣準頭皆不合式奏請仿照甘省抬
砲式樣另行改造並添造十六位共五十六位按八
旗五十六佐領下各養一位隨同一體操演十八年
將軍德楞額以前改造抬砲五十六位過於小薄不
堪久用奏請作爲抬鎗常川操演另在甘省借取抬
砲一位工匠二名來剿依式鑄造三十尊每年一體
隨隊操演二十七年七月間江水泛溢之後步營場

領穆騰額沿江巡查在大江之中撈獲銅砲三位每
位約重一千一二百觔鐵砲二位每重五百餘觔又
在漢城昭忠祠內挖獲大小鐵砲六十四位內有堪
用者三十位餘俱炸裂銹壞復在漢城訪獲銅砲二
尊一尊二千八百餘觔一尊一千八百餘觔砲子八
萬餘觔係嘉慶年間征剿教匪時 欽差領侍衛內
大臣額勒登保等監造嗣因安徽巡撫來咨借取本
處所獲銅砲砲子擇其堪用者借給銅砲三尊砲子
三萬餘觔繳交城守營解赴省垣就近轉解院官所
餘砲位留備本營常操業經奏明在案咸豐初粵匪

宸授楚北將軍台陽監官文副都統黃繼先後捐世
德勝砲威遠砲共四十五尊分設各門礮台城墩以
資防守每年十月間派委砲營協佐等官率領兵丁
前赴八嶺山演放礮位先期檄飭城守營參將派委
把總一員帶綠營兵運礮進出紫營操演屆期本營
派嚮導官一員每旗嚮導兵一名打牲兵二名陪同
將軍副都統入山閱看演放後國藥以運用馬車京
預備賞項本營砲兵暨綠營差弁以次賞賚有差此
項銀兩卽在技勇優長項下提用

軍器礮位數目

發煩礮六位 各重一千觔

劈山礮三位

魚尾礮五位

子母礮五十位

德勝礮二十六位 重一千五百觔至六百觔不等

威遠礮十九位 各重一千觔

抬礮三十位

大洋礮十位

小銅礮十位

將臺鼓一面鑼二面

中軍鼓鑼各八面

金鼓纛二面

紅旗二桿

戰鼓一面

大纛一百十二面

豹尾旗五百六十桿

盔帽四千九百七十八頂

盔甲四千九百七十八副

馬鞍一千二百盤

馬裙二百二十四條

棉甲一千三百件

抬鎗五十六桿

鳥鎗二千二百桿

手鎗一百桿

長鎗二千七百桿

馬鎗一百六十八桿

戰弓五千六百二十六張

戰箭二十七萬八千五百五十枝

大拔箭三萬四千九百四枝

撒袋五千五十八副

銅鍋二千三百四十九口

銅罐二千箇

帳房二千三百三十九架

海螺一百十二箇

京鑼一百八十面

鈴鐺一千四十八箇

腰刀七千二百二十八把

斬馬刀四百四十八把

鉅鋸釘六百箇

菱角釘六百箇

棗核釘六百箇

鎌刀三百三十六把

斧頭二百把

鋤刀五十六把

鷹嘴砍刀一百十二把

藍棉繩蔴繩四百條

鐵鍬六百七十二把

大荊葫蘆五十六箇

小荊葫蘆二千二百箇

月芽鋏四百四十八把

荊州駐防八旗志卷八

武備志第三

救火器械

汲桶八副

蜈蚣旗八面

托釵八桿

大撓鈎一百十八桿

號衣八十身

蔴搭十六桿

挑水擔桶三十二副

吊桶四十箇

高燈六十四對

荊州駐防八旗志卷八

武備志第四

馬政

謹按八旗官兵每兵拴馬三匹偶遇徵調一乘騎二載軍裝食具此定例也康熙間設立荊州駐防八旗滿洲蒙古馬甲四千名原額一兵三馬共馬一萬二千匹乾隆七年經原任將軍裘泰請添養育兵案內因馬乾不敷餉餼奏准裁減一兵存馬一匹其所裁馬八千匹之草乾銀兩貼補營中一切用度閱年既久生齒日繁兵丁生計及修理軍器買補倒馬等項

三才圖會卷之八
費用殊形支絀經將軍興肇弘豐兩次奏請再減馬
二千匹添設餘兵奉部議駁未行道光十三年將軍
蘇勒芳阿以荊州地處卑濕馬匹易於倒斃奏請裁
減二千匹卽於節省馬乾銀內增設委甲兵四百名
實拴馬二千匹咸豐二年准戶部咨奏准酌減營馬
以務軍實一款經將軍台湧覆奏裁減馬一千匹實
拴馬一千匹並將裁馬變價銀兩解交湖北藩庫造
報

荊州駐防八旗志卷八

武備志第五

水操

按水操係乾隆二十四年將軍公嵩椿核定章程具奏每年秋季於陸營水師操畢之後酌帶八旗官兵赴水師營在戰船上演放鎗礮三次使官兵等一體習知水戰等因奏准在案每於操演期前飭令水師營預備令船一隻戰船八隻每船派官一員弓箭兵七名鳥鎗兵十名礮手三名共一百六十八員名其操駕船隻兵丁仍令水師營守備派往以資熟習水勢

荊州駐防八旗志卷九

職官志第一

荊州將軍

噶爾漢

滿洲正紅旗人康熙二十二年任

巴琿岱

滿洲正黃旗人康熙二十七年任

莽吉祿

滿洲鑲白旗人康熙三十年任

達爾瞻

滿洲鑲黃旗人康熙四十六年任

拜音布

滿洲鑲紅旗人康熙五十四年任

阿魯

滿洲鑲黃旗人康熙五十四年任

吳納哈

滿洲鑲黃旗人雍正三年任

袞 泰

滿洲鑲黃旗人
雍正十年任

鄂彌達

滿洲正白旗人
乾隆八年任

德 敏

滿洲鑲白旗人
乾隆九年任

馬爾拜

滿洲正白旗人
乾隆十五年任

綽爾多

滿洲鑲白旗人
乾隆二十年任

尙嘉保

滿洲正黃旗人
乾隆二十年任

嵩 椿

滿洲鑲藍旗人奉恩輔
國公乾隆二十二年任

德 敏

滿洲鑲白旗人
乾隆二十六年再任

福增阿

滿洲正黃旗人乾隆
二十八年放未到任

僧 仲

滿洲正黃旗人乾
隆二十八年任

素玉

蒙古鑲黃旗人乾隆二十九年任

永瑞

宗室鑲紅旗人乾隆三十五年任

雅蘭阿

宗室鑲紅旗人乾隆三十六年任

福餘

蒙古鑲黃旗人乾隆三十六年任

棹和諾

宗室鑲白旗人乾隆三十七年任

興肇

宗室奉恩輔國公乾隆三十九年任

圖桑阿

滿洲正白旗人一等武侯乾隆五十二年任

舒亮

蒙古正白旗人乾隆五十五年任

福昌

滿洲正白旗人乾隆五十五年任

永琨

宗室正藍旗人奉恩輔國公乾隆五十八年任

慶桂

蒙古鑲黃旗人乾隆五十八年任後陞兵部尚書入關

與

肇

宗室奉恩輔國公乾隆五十八年再任

引

豐

宗室正藍旗人嘉慶三年任

積拉堪

宗室奉恩輔國公嘉慶五年任

永

懋

宗室正藍旗人嘉慶十二年任

興

肇

宗室奉恩輔國公嘉慶十四年三任

恒

穎

宗室奉恩輔國公嘉慶十六年任

綿

齡

宗室鎮國公道光元年任

慶

山

滿洲正藍旗人道光四年任

觀

喜

西安駐防滿洲道光六年任

徐

琨

漢軍正藍旗人道光九年任

慶

山

滿洲正藍旗人道光十年再任

蘇勒芳阿

成都駐防滿洲道光十二年任

德克精布

滿洲正黃旗人
道光十五年任

德楞額

西安駐防滿洲道
光十八年任

祿普

宗室鑲黃旗人
道光二十三年任

恒通

滿洲正黃旗人
道光二十三年任

鐵馨

宗室正藍旗人
道光二十七年任

賡福

滿洲鑲白旗人
道光二十七年任

倭什訥

蒙古正黃旗人
二十八年授未到任
一等繼勇侯
道光

裕成

滿洲鑲黃旗人
二十八年任
調四川
承恩公道
光

台湧

滿洲正白旗人
九年任
後陞湖廣總督
道光二十

官文

滿洲正白旗人
陞湖廣總督
咸豐四年任
後

綿 洵 宗室 鑲黃旗人 咸豐五年任

都興阿 黑龍江旗人 咸豐八年任

多隆阿 黑龍江旗人 同治二年授因督兵在陝未到任調西安

富明阿 滿洲正藍旗人 同治三年授因督兵江北未到任調江甯

穆圖善 吉林旗人 同治四年授因督兵陝甘未到任調寧夏

巴揚阿 黑龍江滿洲正黃旗人 同治元年任

希 元 蒙古正黃旗人 一等繼勇侯 光緒三年任

景 豐 滿洲鑲黃旗人 光緒六年任

祥 亨 宗室 鑲白旗人 光緒八年任

左翼副都統

西 佛 滿洲正白旗人 康熙二十二年任

顏泰

滿洲正白旗人康熙二十七年任

霍索哩

本駐防滿洲正白旗人康熙三十二年任

珠滿

滿洲正白旗人康熙三十六年任

恩色

滿洲鑲黃旗人康熙四十六年任

牛鈕

滿洲鑲黃旗人康熙四十七年任

鳴薩哩

滿洲正藍旗人康熙五十五年任

偏圖

滿洲正藍旗人康熙六十年任

拜音額

滿洲正白旗人康熙六十年任

阿克三

滿洲正白旗人雍正七年任

圖陞

滿洲正白旗人雍正九年任

色克圖

滿洲正黃旗人
乾隆十五年任

尙嘉保

滿洲正黃旗人
乾隆十六年任

德特赫

滿洲正白旗人
乾隆二十一年任

那邁

滿洲鑲藍旗人
乾隆二十三年任

德琦保

本駐防正藍旗人
乾隆二十四年任

阿爾薩蘭

西安駐防旗人
乾隆二十六年任

登勝

滿洲鑲黃旗人
乾隆三十三年任

舒明阿

滿洲鑲黃旗人
乾隆三十五年任

舒亮

滿洲正白旗人
乾隆四十年任

富森布

滿洲鑲黃旗人
乾隆四十一年任

雅爾泰

滿洲正藍旗人乾隆五十一年任

肇慶

滿洲正藍旗人乾隆五十六年任

廣福

滿洲正白旗人乾隆五十七年任

成德

成都駐防正黃旗人乾隆五十九年任

海興阿

福州駐防鑲黃旗人嘉慶三年任

色卜星額

杭州駐防旗人嘉慶八年任

長春

福州駐防旗人嘉慶十二年任

喀勒崇阿

福州駐防旗人嘉慶十六年任

德格

西安駐防旗人嘉慶十九年任

奇克唐阿

西安駐防旗人嘉慶二十四年任

鄂當阿
京城滿洲人
道光十一年任

善英
覺羅正黃旗人
道光十三年任

特依順
福州駐防旗人
道光十五年任

常喜
京城滿洲人
道光十七年任

忠靈
西安滿洲人
道光十八年任

官文
滿洲正白旗人
道光二十七年任

慶如
京城滿洲人
咸豐四年任

載增
宗室輔國將軍
咸豐五年任

薩隆布
黑龍江正黃旗人
同治四年任

蘇章阿
滿洲正黃旗人
同治五年任

希元

蒙古正黃旗人一等繼勇侯同治九年任

穆克德布

黑龍江呼蘭河正紅旗人都統銜奇車伯巴圖魯同治十三年任

右翼副都統

阿吉哩

滿洲正紅旗人康熙二十二年任

禪布

滿洲正黃旗人康熙四十二年任

關保

滿洲正黃旗人康熙四十五年任

額倫特

滿洲鑲黃旗人康熙四十五年任

甯古哩

滿洲正紅旗人康熙四十九年任

瑪爾圖

滿洲正黃旗人康熙六十年任

觀音保

滿洲鑲藍旗人雍正四年任

查勒厄

滿洲正白旗人
雍正十三年任

額爾德猛額

滿洲鑲白旗人
乾隆十五年任

阿爾啟瑪

蒙古鑲白旗人
乾隆二十四年任

福那

蒙古正黃旗人
乾隆二十五年任

王保

本駐防滿洲正紅旗人
乾隆二十五年任

珠魯勒

京城滿洲鑲黃旗人
乾隆三十一年任

依昌阿

滿洲鑲白旗人
乾隆三十一年任

世亮

滿洲正白旗人
乾隆三十二年任

綽和諾

滿洲鑲白旗人
乾隆三十四年任

常祿

杭州駐防蒙古正白旗人
乾隆三十七年任

永昌 宗室正藍旗人 乾隆四十一年任

常善 西安駐防正藍旗人 乾隆四十九年任

龍興 京城正白旗人 乾隆五十年任 一等褒績公

成德 成都正黃旗人 乾隆五十六年任

德福 京城鑲紅旗人 乾隆五十九年任

海興阿 福州駐防正白旗人 嘉慶二年任

達崇阿 滿洲鑲黃旗人 嘉慶三年任

三成 江甯駐防鑲紅旗人 嘉慶八年任

額勒渾 滿洲正白旗人 嘉慶十二年任

圖瓦尙阿 杭州駐防正黃旗人 嘉慶十四年任

花沙布

枝州駐防正藍旗人嘉慶十六年任

阿郎阿

成都駐防鑲黃旗人嘉慶十九年任

西郎阿

福州駐防正白旗人嘉慶十九年任

都敏

福州駐防鑲白旗人嘉慶二十一年任

西格

本駐防鑲白旗人嘉慶二十三年任旋調乍浦

成順

青州駐防正藍旗人道光二年任

善英

覺羅正黃旗人道光十二年任旋調左翼

穆精阿

青州駐防正紅旗人道光十三年任

德凌阿

黑龍江齊齊哈爾人道光二十二年任

榮玉德

京城漢軍道光二十九年任

貴陞

青州駐防鑲紅旗人道光三十年任

魁玉

本駐防鑲紅旗人咸豐五年署

富森

京城滿洲正黃旗人咸豐五年任

巴揚阿

黑龍江滿洲正黃旗人同治四年任

文全

京口駐防蒙古鑲白旗人同治四年任

明興

黑龍江滿洲鑲黃旗人同治十一年任

恩來

京城漢軍鑲藍旗人世襲散秩大臣懋烈伯同治十三年任

荊州駐防八旗志卷九

職官志第二

政績

將軍

噶爾漢滿洲正紅旗人康熙二十七年武昌督標裁兵不籌安置截日罷餉於是洵歎謀變有驍傑夏逢龍者使氣好大言以施與排解服眾皆呼夏包子尋爲妖僧大元煽惑遂推逢龍爲魁大元爲謀主守武昌而逢龍自將驍銳渡漢陽犯德安連陷黃陂孝感雲夢圍應城將長驅荆襄適將軍噶爾漢以駐防兵

至遣協領穆禮瑪等率兵進勦擒斬僞副將二僞守
備千總多名賊復潛遣死士夜半梯城蟻附而上甫
及半城中皆驚起登陴石矢交下賊墜退噶爾漢復
遣軍縱擊大敗之逢龍遁還武昌西路始無恐事見
聖武記

巴琿岱滿洲正黃旗人康熙二十七年湖廣裁兵夏
逢龍等作亂據武昌攻漢陽

上命巴琿岱爲

荊州將軍與振武將軍瓦岱等率師進討師至武昌
逢龍棄城遁追至黃州降僞總兵趙得等擒逢龍於
黃岡磔之武昌平三十年五月疏請於駐防滿員內

每旗派百名習鳥鎗得

旨允行見滿洲名臣

傳

莽吉祿滿洲鑲白旗人康熙三十九年調本防兵二千勦打箭爐蠻

上以莽吉祿年老令留鎮荆

州以副都統珠滿阿濟禮領兵往四十二年二月以老疾休瀕行時出俸餘五千金存八旗爲兵丁調濟協領等力諫之恐干更議乃與鑲白一旗留作婚喪之需蓋以已亦鑲白旗人也兵感其德爲立生祠於十里埠祀之

拜音布善教養愛士卒去官人思其政立祠於龍陂

橋以誌不忘

衮 泰滿洲鑲黃旗人在任多善政乾隆七年見防
兵每名拴馬三匹深受其累奏請每名拴馬一匹以
二匹草乾折銀資補積困乃蘇後復請添設養育兵
四百名部議行之

積拉堪宗室輔國公慈祥仁愛訓練有方嘉慶九年
以八旗孤女貧困婚嫁每致愆期乃倡募湖南北之
當道者得貲六千金以四千兩交八旗生息以爲孤
女聘嫁賞項其二千金立紅白局置婚喪器物租於
兵所獲息於年終調濟鰥寡孤獨者於是室無怨女

塗鮮窮餓去任後入旗爲肖像於莽公祠祀之

永 懋宗室甫抵任憫兵房朽圯艱於修補疏請提
裁馬存價銀四萬兩貯庫借修源源接濟人甚德之
恒 顯宗室輔國公以兵丁依餉爲命每遇身故缺
出多致凍餒乃令八旗於士卒內有父老子强者三
年一請移補自此援以爲案嘉慶二十年疏請將馬
價九萬六千兩生息銀內添設餘兵九百六十名每
月支銀一兩得 旨議行

鐵 摩宗室正藍旗人已卯 恩科翰林有膽略識
大體道光二十七年任先是二十六年五月廣武商

民與旗兵構釁江陵縣雙穗希郡守旨左祖漢民卒
成大獄穗因得大吏歡而荆防遂以强悍聞磨初至
所行故矯刻久之覺無他始歎曰謂防兵難治者誣
也剛直是其本性撫之得宜營規自肅前者之事未
必非激成耳於是愛兵如子養教兼施未幾穗復以
微事訟旗兵磨弗省事立寢嘗謂僚屬曰兵民兩不
可偏縱靜鎮持之則地方無事矣官兵愛戴至今猶
頌不絕口

官 文滿洲正白旗人字秀峯道光二十七年任左
翼副都統慈祥得眾咸豐二年鄂城陷於賊劉坤一

恐將軍白湧出防漢民先事載妻子去里巷幾虛文
內籌防守外行招撫郡民始有固志四年授將軍鄆
城再陷時昭通副將王國材奉調赴援道出於荆文
奇其人奏留之使防龍陂橋未幾賊大至國材合營
兵力戰却之賊走當陽踞襄陵截荊州餉源文檄川
兵偕部卒分道進攻賊不支順流南竄荊郡以平五
年授兩湖總督荊防餉稍遞減人多枵腹文設法撥
濟士卒賴以飽騰八旗感其恩爲立祠肖像春秋祀
之

巴揚阿黑龍江滿洲正黃旗人字玉農咸豐十一年

任右翼副都統時兵燹後百務凋敝巴揚阿會總督
官文奏減拴馬一千匹以牧地暨新淤洲報墾獲利
補濟軍食同治四年遷將軍見陣法失實不便於行
軍乃卽已所得於攻戰者爲變更之復擇八旗士之
秀者月設二課給以膏火於是武備文事始振起五
年以餉折不敷養贍奏加入成部議行之六年承天
寺圯巴揚阿倡募修復且以捐羨修街道九年正月
復奏請兵米加支九成生機益遂是年夏漢水汎溢
橫注及荆郭以外四望皆澤國荆江亦一時陡漲日
高數尺隄不沒者僅三版人心惶懼莫知爲計巴揚

阿奉牲帛駕小舟哭禱於江神擲冠中流爲民請命
水立退藉以安瀾人尤德之卒卽官爵相祠設位配
祀焉

左翼副都統

珠 滿滿洲正白旗人康熙三十九年同右翼副都
統率荊州兵二千會勦四川逆蠻四十一年鎮箏紅
苗亂 上命尙書錫勒達副都統圖師海徐九
如統師撫勦以珠滿久於用兵凡事與商酌而行十
一月撫降三百一寨惟天星一寨仍負固錫勒達與
提督俞益謨等分四路進勦滿領兵協應攻克葫蘆

寨斬戮無算餘寨悉平四十五年擢江寧將軍見滿洲名臣傳

成 德成都駐防滿洲正黃旗人嘉慶初白蓮教犯枝江宜都督師迎勦連戰皆捷賊竄當陽守甚固潛遣人至荆謀爲亂德謂軍士曰當急下城還保鄉里乃布雲梯率眾上賊驚起拒德跨堞間揮刀斃數人賊却遂拔其城

右翼副都統

德 福嘉慶元年鎮守乾州苗民叛枝江宜都間白蓮教復起將軍興肇左翼副都統成德先後帥旗兵

三千餘分道馳援賊陷當陽知荆防兵寡潛遣人匿
土主廟民家一時奸民多私附者福白將軍出勦設
守備甚嚴以漢民雜處易藏匪檄文武查保甲遂獲
潛賊數人豎火葯兵刃諸物悉置之法而防衛益謹
閱三十餘日當陽捷音至郡人始安堵

貴 陞咸豐五年賊陷襄河陞率八百人馳援連戰
皆捷賊走渡河避其鋒陞欲乘勝進左右諫曰不可
曰朝廷憂賊日夜望其平今賊已挫而撫兵自固其
謂國何乃留二十三人以守自率七百餘人渡河甫
及岸伏發賊大至陞躍馬大呼於陣曰好男子當以

死殺賊立功一時兵皆奮勇擊賊甚多戰既久矢藥
漸亡賊眾益增遂與七百七十人同殉焉事聞詔

祀昭忠祠賜卹如例